

0 1cm 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30

deli 得力集团有限公司
基字02260122号 No.6230



善
436
4080/6
云南省图书馆



玉湖遊錄

全表

182513





161618



101818



玉湖遊錄序

夫伊瀍細而經傳，涇沔鉅
而典闡。山水之係人，文尚美然。
惟得山水之狀者，能述得山水
之情者，能作。登臨感觸，嘯



跡賦形玉峯羨石為岱華
侈勺水為滄溟觀者不惟
不之過且後而從東步武之
如恐弗及前郎官名於太白
蓬蓬池著於蕭生乃名得山

水之情於形狀之行無之乎
物激氣以俱而莫知其所
窮此古人所為大游觀而
意自得也若夫地以文顯景
因人勝固有不期然而然心


者矣。玉湖去吾居五百餘里，
愚弗能游也。其守西蜀山氏，
備學好文，自能其湖上所，
為詩若干，首言而愚序，
之。愚手讀，再過紫雲。

縹白芙蓉黛
停高月鴈
爲
美生家
碧波青
靄
爲
際典
鷗鷺
下上矣
安矣
不
有好事者
沿吏步
武之碑
玉湖之名
典郎官
遂也

並馳驛園也

嘉靖乙巳仲春

賜進士刑部主事李大理
頌
自奉
西
夏
公
兄
書



玉湖游錄



麗江木公恕卿著

太和李元陽批點

首春詠遊

煙光二月春如許稱此良遊飲玉窪。趁
食羣鮮隨艇出掠芹雙燕受風斜。澳邊
蒲茁青青茨陂上檉抽細細芽。側坐簪
苓看晚色玉妹橫抱錦琵琶。

三泔泔金
携妓與衆友嬉遊六首

舟航齊發泛湖歌除却漁人盡繡羅滿
岸桃舒叢映水數行柳醉細橫波金卮
緩濯寒光溜玉管輕吹晚照和倚櫂醉
看魚鳥戲野狂到處樂偏多

玉湖春暖水溶溶迥見風來撼玉龍草
色未齊松色翠波光重映酒光紅曉英
枝上胭脂膩晴雪山頭粉絮融我自醜

醺魚自樂滿船人喜醉時容

日煖雲開樂趣饒漫乘雙槳汎春嬌墨
光郁郁銀光透湖浪平平酒浪搖碇上
驂驪喧鼓吹鏡中來往沸笙簫浮生自
是長如此回首何須問市朝

寄興悠然

湖水汪洋靜不流晚來乘興跨鸞舟縣
杯問月判沈飲載妓隨風趁樂遊漫拂
蘭橈聲滅滅輕敲銅鼓韻悠悠歌餘一

漱滄浪水滌盡胸中萬斛愁

巨艦輕游風已靜
玉巒擎北倚屏看波
搖紅紫群姝舞酒濺玻璃
野老歡溪水漲湖春雪化
漁人集網夕暉殘
新裁莫訝羅衣重
淑氣冲融尚薄寒

烟臯雨岸接重溪
興到頻頻好句題
綠袂朱裾人上下
銀鷗玉鷺影高低
笑吞鸚鵡清香滿
醉擷胡芹瀲灩迷
絕倒賓

筵歡更洽浩遊那問日沈西

句工

試舟戲題

雲母觥開引黛鬟榜人相輶競踈頑芳
鮮片落銀綵鱗彩鷁雙飛錦綵板急管
繁絃聲放漫穠妝艷舞影爛斑不妨此
日奢行樂賴有春光映雪顏

栗鶴溪去任遣使送歸久矣是
日舟中偶得回書慰我記之

鶴溪南去兩經秋。今日人迴解我憂。詩
思亂於原上草，宦情輕似水中漚。笑看
魚擲杯，重把喜見鴻歸。淚莫流。珍重此
書來，萬里數教鳧使好收留。起得好

晚晴獨詠

湖草青青湖水平，晚將無雨天漸晴。挂
帆不管柳花亂，蕩槳那妨睢鳥驚。頻吟
短句向誰詠，獨對芳尊聊自傾。鴨頭橫

倚醉眸望惟見龍峰春雪明新

引賓汎晴用前韻

淑景風停惡浪平雨餘天燠泛新晴詩
成落筆魚龍喜曲罷鳴榔鶴鶴驚遠賞
頻將春客引劇談重自酒杯傾醉中不

覺心身蕩側望湖山夕照明結更有下落

沙頭醉坐看群嬌戲船

滿眼群嬌弄畫船玉容雲髻足人憐天

天紅入泓澄影隱隱光浮粉騰妍笑燃
筍尖濡錦帶競呼水面落花鈿沙頭坐
翫便娟戲一族芙蓉是水仙

如畫

莎洲對吟

乍引莎洲彩紉牽笑噲琬液夜光縣千
株弱柳鳴禽集半畝平沙睡鴨連看曠
漁罾橫落日對吟藻句向輕煙共君一
醉蘆村晚且泛漣漪莫艤船

游釣

游釣自娛心
金釣細細沈
篠竿橫艇上
縉盡覺湖深

乍晴

汎此滄池卷盡雲
鏡光浮動日初曛
印沙鶴跡聊成字
貼水荷錢總似文
瀕上翠禽鳴恰恰
岸頭紅雨落紛紛
紛紛坐隨蒼隼
沿洄處尊酒娛人未易醺

穩

適興

混俗多年日自愁，且將身世寄浮游。
有錢買斷湖邊樹，贏得漁人繫釣舟。
瓊峰遙對飲春醅，煙柳重重護錦旒。
醉坐螭頭看魚躍，莫難輕動煥風回。
玉翼扶搖雨雪霏，寒光滉漾動斜暉。
醉聽欸乃歸舫急，驚起鷗鷺相背飛。

復遊

渺渺扁舟泛綠漪。海翁漁父極相知。晴
瀾撥刺金鱗尾。淺渚參差碧藕枝。自恃
野狂能飲酒。誰憐雪老愛吟詩。分明我
是鴟夷子。日日波間理釣綫。

流動溢發

諸客同舟醉遊紀興

浮艘正喜麥秋天。放此襟懷暑氣蠲。洗
硯愛看雲葉細。停檣謾閱水花鮮。賓朋
擊節憐歌調。駟鴟依人狎管絃。滿座狂

酣重自說何須赤壁羨坡仙

午節書事

每逢佳節即遊湖今日端陽樂更殊
箬葉滿包金黍糗犀鱗淺泛玉菖蒲
飛鳧敏捷波心競鬪草嬌嬈岸上呼
繫臂彩絲隨俗事醉中還憶楚三閭

用節事不費力

晴夏甚熱日晚獨泛偶見雙春

侍飲喜作

遠樹昏蒙日已隕
晚風輕颺獨徘徊
酒光泛學蒲萄熟
花氣薰人菡萏開
畫鷁追涼蓬底坐
錦維蕩暑月中來
揚歌鼓棹隨清漢
偶載雙娥笑語陪

觀採蓮

誰家女子髻新盤
來折芙蓉立水干
合羞轉顧佯呼伴
怕卷羅裙玉趾寒
昨日今日喜無濤
約將女伴撐短篙
淺

汧蓮稀釧聲斷湘裙一色上平臯

娉婷仕女度芳洲揜袂臨流皓腕抽摘

得碧圓競歸去賦歌橫繫木蘭舟

得樂府
音節

月江來訪次韻

我欲吟新句呼童洗硯池珊瑚崩赤節

翡翠坐青枝壺倒傾雲液魚行動水芝

淺瀦停短舫因和月江詩

世態攻人急其如隱釣何時看飛鳥過

日聽扣舷歌野蕪能無足杯醪不厭多
此生隨浩蕩是處樂行窩

即景

雨散旻空絕點雲午風輕皺碧鱗紋橫
浮樓影中流斷浩發歌聲兩岸聞荇帶
藻釵清不徹芰莖草穗翠無分停杯坐
望茫茫水煩鶩葱鶩傍夕曛

憶禹翁昔遊玉湖有感一絕

十年曾此共君樂今日憶君何自愁
新製一雙青雀舫花時同載可能不

醉和禺山便寄集韻六首

飛燕鳴鶯逐我狂羨尊鱗鯪引壺觴優
游更喜乘桴去湖目翻紅水色蒼

閒時獨上釣魚臺無數遊魚競餌來
身在碧潭千尺上晚涼吹動菖花開

素節賓來登陸飲

是日立秋宗古
遠來故云

水晶盤

薦綠沈瓜對湖狂詠漁家傲燁燁紅蓮
萬朶花

擺脫塵寰來學釣機心不種桔槔園管
衣臺笠磯頭坐貌出漁翁妙莫論

年來嬾惰怯觀書祇愛蘅臯坐釣魚明
月一竿長作伴生涯與世日蕭疎

森森壬公常自愛晨鳧遠涉怯鷗疑夢
風荻月晴光好獨與蓑翁飲瓦卮

聽漁歌

編蘆為障旃為家
窵木雙雙傍水涯
朝夕自知歌賸迺
奕碁聲利付搏沙

晚酌碧蓑亭

舟上覆蓑為亭故云

晚酌蓑亭尚未酡
沙棠麗上影婆娑
蘆灣風起漁歌斷
野岸沙晴鴈跡多
柁澄浪花鳴雪霰
櫓搖木葉下寒波
檝翁背指冰輪出
一曲滄浪漫白過

同菱溪子遊

月荒風自急，漁網曝殘暉。
雨霽潛鱗出，天寒旅鴈飛。
擢翻紅梗亂，杯進紫螯肥。
不是菱溪子，故人來此稀。

月江寄來玉林題扇韻，故次之。
三復來章後，故人驚我心。
玉林無可遇，湖鳥自相尋。
我飲杯中物，誰知挈上音。
秋波隨浩渺，擊楫短長吟。

醉宿舟亭

獨游深自飲一醉泊輕舸
月冷鳴虛籟風高卷怒濤
霜空寒鴈唳野岫斷猿號
借枕漁蓑困通宵未解袍

和韋蘇州寄全椒山中道士韻

雪山清且狂遠作玉湖客
四顧園青松一竿橫釣石
得鯉沽村醪醉歸日已夕
舟繫淺莎傍步隨鷗鳥跡

得韋意

爽夜漫題

雲收爽夜獨來遊
漢影寥寥映遠洲
坐待船頭明月上
淒清葦畔笛橫秋

漫興

風急高商水泊天
尊鱸正美爨漁煙
濯纓每坐凝苔石
洗琰頻移捉月船
野菊散金緣岸發
沙鷗排玉傍湖眠
蒼茫落景催詩興
橫槩重依瘁柳邊

李江雲同飲醉歸

與江偕飲倒金罍鷺集鷓眠欲解梳水
氣逼人寒作陣野風吹浪雪成堆楓落
遠山飛鳥盡霜橫碧漢斷鴻哀柁聲呀
軋迫歸晚渡上喧逐鼓樂催

秋興

聊浪上野旂霎影撼風樞遠水連天色
寒峰映雪光芰荷無點翠檉柳半踈黃

坐問漁翁話蕭騷髮已蒼

坐遊秋水湛擁蓋日西斜蒲柳零衰葉
蘋蘩結小花揮毫題粉障淪漢釣璜鯨
延睇觀晴霽汀橋映晚霞

紀興

雲水光中自往還倦來聊憇蒹花間我
非范蠡歸湖客權與濱鷗半日閒

詠鶴

仙禽何自異丹頂燦玄睛崑閩遙翩翩
蓬壺迥唳聲唳萍秋水潔浴藻晚颺清
駕我瑤池去同君啖八瓊

絕句四首

我欲采芳芷因茲晴日暉浣紗素足女
回望雙鷁飛

宛切

褰裳涉蘭沚冷怯金風吹遙憶楚紅客
相期知幾時

妾心如秋水
妾淚如秋波
不見良人久
憂思將奈何

采菱復采菱
采菱不盈把
匹鳥游波心
行人莫亂打

秋夜賞月

光搖碧落耿秋晴
浩飲那知玉斗傾
不作子猷乘雪夜
醉吟月下賞袁宏

喜晴閒適

秋光一鏡萬松圍鶴引清童立釣磯
暮水腥隨雨散小洲魚樂弄晴暉
籬竹乳鴨時無浴紅蓼青萍日共依
遠却宦情閒自適每逢黃帽愜無機

湖上得垠溪爾篔疊韻以荅

逍遙湖上芥坳堂秋水蒼蒼日自涼
爾篔遠來題墨客仙槎橫去問漁郎
杯銜竹葉時看雪縉骨蓋蘆花晚釣
霜它日垠

僕於我會桂橈同漾坐餘皇

獨飲見景作之

獨飲匊尊晚未醺愛看清景意逾欣
玉虹飛瀑縣山溜錦鯉翻瀾劈水紋
林影漸從晴靄翳鐘聲遠帶夕陽聞
圓沙淺瀕哀鳴集鷓鴣鵲各認群

述興

清曠喜乘流翩翩一葉浮
魚鰕常作伴

三洲詩集
野懷無抑鬱終日自夷猶
鴛鴦迭為儔佳景酬新句醇醪酌滿甌

秋吟

緣岍蘆花白蕭蕭八月秋
斷虹殘雨散斜日遠村浮
獨嶼臨滄渚孤篷覆小舟
長年收網去還復坐磯頭

醉聯石潭舊韻

湖上蘼英開未齊湖邊荒草生
萋萋檣

影斜欹入雲漢棹謳亂發驚鳥鷺溪毛
旋煮擘新甕藤角重伸聯舊題與君載
酒共遊飲鳴鶴橫隄寒日西

秋適

暮秋閒自適寒怯楮屏遮遠樹悲風急
孤颿驟雨斜客游殊汗漫漁隱更幽遐
醉晚吟歸興空舫傍水涯

醉後漫書

小雨初晴薄暮天坐移玉海纜徐牽輕
彈脩况遊魚聽閒視春鋤傍水眠容漾
碧漣烟漠漠汎瀾清影月娟娟有時枕
藉龍峰下夢引蓬萊島上仙

奇思

曉飲示客

輕搖弱舫水瀾漫趁我嘉賓且盡歡蟲
跡篆沙分字畫波光繞座瑩杯盤蘭蓀
馥郁含秋色笳鼓駢闐動曉寒萬點銀

漚浮旭日摩挲醉眼傍俞看

登望湖樓

山郭雨初收湖光迥入樓日殘漁集岾
天冷鴈橫秋樹響驚愁思村春急暮颼
孤吟憶王粲望斷碧雲浮

詠晚

清翰搖搖信晚風漫歌銅斗自從容湄
邊背立玄裳使草畔拳樓碧繼翁酒醒

三洲游集
其
漱湖秋一掬興來觀嶽雪千重于今脫
却塵中網且伴漁家整釣蓬

鶴野遠來與一二友人泛飲顧

予賦詩得陪字

鶴野自南來嬉遊莫浪回紅舷行女妓
烏榜載尊壘水落秋光動虹收夕照開
祇緣風日好賓友得相陪

秋末泛晴

鳴鱸遠遠自輕揚
霽色微茫引興長
風靜水容平似熨雪
凝峯面白如粧赤
鱗逐隊隨涵泳
綠鶯飛群任頡頏
向晚乘流氛靄盡
日光浮動迥泔洋

淒日俄解遠浪生
此心慄慄對時驚
雖渠石上搖還啄
郭索沙傍走自橫
撼撼枯荷鳴甯發
蕭蕭落木下澄清
輕帷半卷牽注紉
滌氣陵人怯載行

雪後諸友晚酌

暮空雲斂盡，月色映寒光。
設鱸冰盤暖，傳杯玉醴香。
雪狂脩袂舞，春女縞衣裳。
我愛江湖客，麈豪坐滿航。

醉別漁溪子

捐杯坐石磯，澗滄動餘暉。
烟浦飛鳶急，汀橋過客稀。
雪晴寒氣散，松晚翠陰圍。
醉別漁溪子，歸來月滿衣。

春鷺侍飲醉扶船楫戲書

玉人相引玉湖遊中有狂翁飲玉舟醉
把玉纖扶楫立嬌波倒顧玉山浮

祚藪有山曰玉龍有水曰玉湖玉湖即

玉龍之水線合而成之也湖西一里許

樓閣隱映于萬松之間乃玉山書院也

予若居於院遊飲於湖醉中每獲之句



集曰玉湖游錄湖之景不書者覽其作

則見其湖之景於目矣

時

嘉靖甲辰歲冬十一月望日六雪主人書于

對岳亭



玉湖游錄終

玉湖游錄詩序

文三百篇邈絕然作者猶
取諸漢魏後之作者獨取
諸四唐迄于今唐斯為盛
矣何則渾淪冲蔚弗事雕
鏤匪宋之體直而論理元

之體薄而貴妍也是故古
之風音猶存耳乃今覽子
木子之作泯泯乎充洋洋
乎溢若有得手四唐之風
音矣是故即其言猶登嶽
然詩之嶮也測乎深猶涉

海然待之淵也閱其華猶
欽寶然待之奇也然嶮矣
賤而不嶮也淵矣縻而不
媵也奇矣鐵而不壞也斯
三者待之道也昔者吾師
空同先生嘗語含曰今作

者孰希曰宋無詩文詩匪
色希神宋人遺茲耳故曰
無詩文吾師詩蓋一世固
此之由耳乃今子木子之
作颯颯乎充洋洋乎滢因
得乎唐之風音而亦有織

乎神之所由然耳是作也
其可傳乎乎可傳乎若其
湖之所勝子之所游於作
見之焉用序

禺山少史蕪明臺真逸遊
野荒民張含金完南書

是歲

嘉靖乙巳孟夏十有八日

方汝潔
南齊南
翠竹林亭

碧影附
出山查山
翠竹林亭

翠竹林亭





志清乙未
夏月
日







